



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Macarius Alexandr. 2. Ianuarii.

urn:nbn:de:hbz:466:1-44055

exemplo; disce obedientiam, quam patri suo exhibuit & Matri; disce virtutes cæteras; ut vitæ lumen in te valeras possidere; Christum sequere, Christum imitare, ut ad ipsum pervenias. B.Laur.Just.de interiore conflictu.

S. MACARIUS ALEXANDR.

2.Ianuarii.

Hunc MACARIVM nomine suo Alexandria; himò fallor, suo ille Alexandriam beavit. VII. annis sine cocto edulio, sine omni somno dies XX. quadragintadiæle jejuniūm sine omni cibo transegit. Satur intèrēà cæli deliciis, & piis nunquam non lacrimis ebrios. Inter hæc Cupidinem bella sibi moventem aggressus, culicum præsidio corpus cinxit; quos inter cùm sex adeò menses nudus decertasset, horū aculeis longè hostem submovit. Quid multis? brevi tam parvo milite ingentem, & formidandum tyrannum debellavit. Pœnitentem Sacerdotem à sacrilegâ Venere, & qui in pœnam afficti corpore serpebat, cancro eâ lege absolvit, ut ne porrò sacrificaret impurus. Nec in homines solum pius, cæcum feræ, nescio cuius, partum sputo suo illitum lumine donavit, oviculæ exuviis à gratâ parente vicissim donatus. Inter precandum ita se ipsum fertur adhortatus: *Anime mi, ne te in terras è calo demitte: ibi Deum & cum Deo Dei aulam omnem habes.* Viderat nimirum quandoque, quām multiplici dolo astuque turbare precantium animos malus hostis niteretur. Ob hæc aliaque ejuscemodi prædicantibus verè MACARIVM, hoc est beatum, ut qui mundo tam bellè illuderet, illud responsi dedit, caverent, ne ipsis mundus illuderet. Vivere porrò desit, cùm an-

num

num ageret centesimum, & documento sanè fuit mortalibus, frugalitate & vitæ religiosæ asperitate non minui annos, sed crescere. Ex vit. PP.

Quæ segnities est, capi ineptis cogitationibus, cùm Dominum deprecari, quasi sit aliud, quod magis debeas cogitare, quam quod cum Deo loquaris: Quomodo te audiri à Deo postulas, cùm te ipse non audius? S. Cyprian. de Orat. Dom.

S. GORDIUS MARTYR. 3.Ianuarii.

POtuisses olim eremum campum dicere Martium, unde illi prodirent, qui bella orbi, qui tyrannis moverent. Ita GORDIVS etiam noster è nobili militum tribuno Christi tiro, ubi sat diu in antro ad eremi leges exercuisse velut ad palum se, & piæ militiae satis prælusisse jam visus sibi est; progressus demum festo die in medium theatri, fassusque CHRISTI se militem, corpus frustatim concidendum carnifici obtulit: id unū exoptans, plures animas habere, ut plures per mortes Duci Deo invictum se probaret. Scilicet ad insolitum hoc spectaculum exclamárint Christiani pariter, & hostes horum. Et obstupuere hi, quod unius hominis virtus totum theatrum impleret. At illi Deo, GORDIO, sibi que gratulati sunt, cùm videarent tot inter certantes quadrigas longè omnes equos ad palmam præcurrere Christianū, jamque hunc unum illo die ex merito coronandum animo perciperent. Interea GORDIVS monentibus amicis, qui servatum cupiebant, ore CHRISTVM suum tantisper proscriberet, animo coleret; ita ne verò ajebat, omnem militibus aditum ad celos præcluditis? Me quidem Longinos & Cornelios juvat emulari. Christum vobis coram si negem, calo coram ille negabit.

Hæc